



STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

- Klub vijećnika Stranke demokratske akcije -
Šehić dr Semir - vijećnik u Gradskom vijeću

GRADSKO VIJEĆE
- n/r predsjedavajućeg GV-a -
ZAVIDOVIĆI

BOSNA I HERCEGOVINA
FEDERACIJA BOSNE I HERCEGOVINE
ZENIČKO-Dobojski Kanton
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 09-12-2025

Org. jed.	Kl. ozn.	Red. broj	Br. priloga
01	09	2096/25	

PREDMET: Inicijativa za dopunu Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići

Na osnovu člana 109. Poslovnika o radu Gradskog vijeća Zavidovići, podnosim inicijativu za dopunu Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići („Službeni glasnik Grada Zavidovići“, broj: 4/23), kojom bi uredilo da se ostvarivanje prava na naknadu za prisustvo i učešće u radu Vijeća, umanjuje srazmjerno njihovom odsustvu tokom održavanja sjednice.

O b r a z l o ž e n j e

Postojećom Odlukom o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići („Službeni glasnik Grada Zavidovići“, broj: 4/23), u članu 6., propisano je:

„Član 6.

(1) Vijećnicima pripada mjesečna naknada (paušal) u iznosu od 25% neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

(2) Vijećnicima pripada i naknada za prisustvo i učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.“

Predlažem da se postojeći član 6. Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, dopuni novim stavom (3), kojim bi bilo propisano da se naknada iz stava (2) istog člana, umanjuje srazmjerno odsustvu vijećnika tokom održavanja sjednice. Evidenciju o navedenim činjenicama vodila bi Stručna služba Gradskog vijeća, prilikom izjašnjavanja po tačkama dnevnog reda i drugim pitanjima na sjednici, a u slučaju da pojedini vijećnik ne pristustvuje barem polovini ili više od ukupnog broja izjašnjavanja na određenoj sjednici, istome ne bi pripadala nikakva naknada za prisustvo i učešće u radu Vijeća za tu sjednicu.

Zavidovići, Septembar 2025. godine

GRADSKI VIJEĆNIK

Šehić dr Semir



Broj: 02-04-2145/25-AP-26

Datum: 19.11.2025. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Semira Šehića kojom bi se uredilo da se ostvarivanje prava na naknadu za prisustvo i učešće u radu Vijeća, umanjuje srazmjerno njihovom odsustvu tokom održavanja sjednice, dostavlja se

U prilogu akta dostavljam vam stav po inicijativi vijećnika Semira Šehića kojom bi se uredilo da se ostvarivanje prava na naknadu za prisustvo i učešće u radu Vijeća, umanjuje srazmjerno njihovom odsustvu tokom održavanja sjednice.

Stav po podnesenoj inicijativi dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.

Akt pripremila: 
(Fatima Merdanović)

Akt pregledao: 
(Nermin Čahtarević)



GRADONAČELNICA

mr. iur. Erna Merdić Smalhodžić



Broj: 02-04-2145/25-AP-25

Datum: 19.11.2025. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Semira Šehića kojom bi se uredilo da se ostvarivanje prava na naknadu za prisustvo i učešće u radu Vijeća, umanjuje srazmjerno njihovom odsustvu tokom održavanja sjednice dostavljam:

PREDMET: Stav po inicijativi vijećnika Semira Šehića kojom bi se uredilo da se ostvarivanje prava na naknadu za prisustvo i učešće u radu Vijeća, umanjuje srazmjerno njihovom odsustvu tokom održavanja sjednice, dostavlja se

Inicijativa vijećnika Semira Šehića kojom bi se uredilo da se ostvarivanje prava na naknadu za prisustvo i učešće u radu Vijeća, umanjuje srazmjerno njihovom odsustvu tokom održavanja sjednice, podnesena je od ovlaštenog predlagača i dopuštena, ali način na koji je predložena dopuna člana 6. predmetne Odluke se ne prihvata.

Osnov za donošenje Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići („Službeni glasnik Grada Zavidovići“, broj: 4/2023), sadržan je u članu 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 22. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) i člana 15. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), a isti glase:

Član 18. Privremene Statutarne Odluke Grada Zavidovići, glasi:

„18.

(Primjena Poslovnika o radu Općinskog vijeća Zavidovići)

Na rad Gradskog vijeća i njegovih radnih tijela, primjenjivat će se odredbe važećeg Poslovnika o radu Općinskog vijeća Zavidovići, ako nisu u suprotnosti sa Zakonom o Gradu Zavidovići, Zakonom o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09).“

Član 22. Statuta Općine Zavidovići, glasi: „Općinski vijećnici imaju, u skladu sa općinskom odlukom, pravo na naknadu i naknadu troškova, koji su nastali u vezi sa radom u Općinskom vijeću.“

Član 15. Poslovnika o radu Gradskog vijeća Zavidovići – novi prečišćeni tekst, glasi: „Vijećnik ima pravo na naknadu za rad i naknadu troškova koji su nastali u vezi sa radom u Vijeću, u skladu sa odlukom Gradskog vijeća.“

Odlukom o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići („Službeni glasnik Grada Zavidovići“, broj: 4/2023), utvrđena je visina i način isplate naknada za obavljanje vijećničke funkcije u Vijeću i naknada za rad članova radnih tijela Vijeća.

Član 6. predmetne Odluke, glasi:

„Član 6.

- (1) Vijećnicima pripada mjesečna naknada (paušal) u iznosu od 25% neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.
- (2) Vijećnicima pripada i naknada za prisustvo i učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.“

U obrazloženju vijećničke inicijative predloženo je: „Predlažem da se postojeći član 6. Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići, dopuni novim stavom (3), kojim bi bilo propisano:

„(3) Da se naknada iz stava (2) istog člana, umanjuje srazmjerno odsustvu vijećnika tokom održavanja sjednice. Evidenciju o navedenim činjenicama vodila bi Stručna služba Gradskog vijeća, prilikom izjašnjavanja po tačkama dnevnog reda i drugim pitanjima na sjednici, a u slučaju da pojedini vijećnik ne prisustvuje barem polovini ili više od ukupnog broja izjašnjavanja na određenoj sjednici, istom ne bi pripadala nikakva naknada za prisustvo i učešće u radu Vijeća za tu sjednicu.“, pri čemu se predlaže umanjeno naknade za prisustvo sjednici srazmjerno odsustvu vijećnika tokom održavanja sjednice - u slučaju privremenog napuštanja sjednice, dok ista traje.

Član 6. predmetne Odluke u skladu sa članom 11. Jedinostvenih pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“, broj: 5/08), propisuje visinu paušala i naknade za prisustvo sjednici, pri čemu je norma jasna i istu po pravilima nomotehnike ne treba dopunjavati kaznenim odredbama.

Član 9. predmetne Odluke propisuje evidenciju prisustva i obračun i isplatu naknada vijećnicima i članovima radnih tijela, a isti glasi:

„Član 9.

- (1) Evidenciju prisustva vijećnika i članova radnih tijela, sjednicama Vijeću, odnosno sjednicama radnih tijela, vrši Stručna služba Gradskog vijeća.
- (2) Obračun i isplatu naknada vijećnicima i članovima radnih tijela, vrši Služba za upravu finansija, budžet i trezor na osnovu dostavljenih evidencija, najkasnije do svakog 15. narednog mjeseca za prethodni mjesec, zavisno od raspoloživih sredstava za ove namjene predviđene u Budžetu Grada Zavidovići.“

Član 10. predmetne Odluke u skladu sa članom 14. Jedinostvenih pravilima za izradu pravnih propisa u Zeničko-dobojskom kantonu, propisuje kaznene odredbe u koliko vijećnik ne prisustvuje sjednici Vijeća ili koji bez najave i bez opravdanog razloga napusti sjednicu, a isti glasi:

„Član 10.

- (1) Vijećniku ili članu radnih tijela Vijeća koji ne prisustvuje sjedinici Vijeća, ili koji bez najave Predsjedavajućem Vijeća ili bez opravdanog razloga napusti sjednicu, neće biti uplaćena naknada za prisustvo sjednici koju je bez najave ili opravdanog razloga napustio.
- (2) Vijećniku iz stava (1) ovog člana, neće biti uplaćena naknada za prisustvo sjednici na osnovu pisanog zahtjeva Predsjedavajućeg Vijeća.“

Prijedlog za umanjeње naknade za prisustvo sjednici srazmjerno odsustvu vijećnika tokom održavanja sjednice Vijeća, u skladu sa članom 14. Jedinostvenih pravilima za izradu pravnih propisa u Zeničko-dobojskom kantonu, mogao bi se predložiti kao dopuna člana 10. predmetne Odluke, na način da se iza stava (1) doda novi stav (2), koji glasi: „(2) Vijećniku koji u toku sjednice Vijeća ne prisustvuje izjašnjavanju po tačkama dnevnog reda i drugim pitanjima polovini ili više od ukupnog broja izjašnjavanja na sjednici, neće biti uplaćena naknada za prisustvo sjednici.“, stav (2) postaje stav (3).

Sa predloženom dopunom člana 10. isti bi glasio:

„Član 10.

(1) Vijećniku ili članu radnih tijela Vijeća koji ne prisustvuje sjedinici Vijeća, ili koji bez najave Predsjedavajućem Vijeća ili bez opravdanog razloga napusti sjednicu, neće biti uplaćena naknada za prisustvo sjednici koju je bez najave ili opravdanog razloga napustio.

(2) Vijećniku koji u toku sjednice Vijeća ne prisustvuje izjašnjavanju po tačkama dnevnog reda i drugim pitanjima polovini ili više od ukupnog broja izjašnjavanja na sjednici, neće biti uplaćena naknada za prisustvo sjednici.

(3) Vijećniku iz stava (1) i (2) ovog člana, neće biti uplaćena naknada za prisustvo sjednici na osnovu pisanog zahtjeva Predsjedavajućeg Vijeća.“

Shodno naprijed iznesenom u skladu sa članom 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 22. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) i člana 15. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Gradsko vijeće će zauzeti stav po predmetnoj Inicijativi.

PRILOG: Odluka o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići („Službeni glasnik Grada Zavidovići“, broj: 4/2023),


S poštovanjem

Dostavljeno:

1. Naslovu,
2. U spis.

Akt pripremila: 
(Samira Pinjić)

Akt pregledao: 
(Nermin Čahtarević)



GRADONAČELNICA

mr. iur. Erna Merdić Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Broj: 01-04-112/23-AP-9

Datum: 05.04.2023. godine

Na osnovu člana 10. i 16. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 22. Statuta Općine Zavidovići („Službeni glasnik Općine Zavidovići“, broj: 5/2008, 5a/2008 i 11/2019) i člana 15. Poslovnika o radu Gradskog vijeća Zavidovići - novi prečišćeni tekst („Službeni glasnik Grada Zavidovići“, broj: 7/22 i 1/23), Gradsko vijeće Zavidovići na sjednici 12. sjednici održanoj dana 05.04.2023. godine, donijelo je

ODLUKU

o osnovama i načinu isplate naknada i drugih primanja
vijećnika i članova radnih tijela Gradskog vijeća Zavidovići

Član 1.

Ovom Odlukom utvrđuje se visina i način isplate naknada za obavljanje vijećničke funkcije u Gradskom vijeću Zavidovići (u daljem tekstu: Vijeća) i naknade za rad članova radnih tijela Vijeća.

Član 2.

Pravo na naknadu po ovoj Odluci pripada vijećnicima i članovima radnih tijela Gradskog vijeća Zavidovići kada prisustvuju sjednicama Vijeća i sjednicama radnih tijela Vijeća ili kada vrše određene poslove za potrebe Vijeća.

Član 3.

Naknada u smislu člana 2. ove Odluke obuhvata:

- a) mjesečna naknada vijećnika (paušal);
- b) naknada vijećnicima za prisustvo sjednicama Vijeća;
- c) naknada članovima radnih tijela za prisustvo i učešće u radu radnih tijela Vijeća.

Član 4.

- (1) Vijećnici imaju pravo na dnevnicu i ostale troškove službenog putovanja u visini i pod uslovima propisanim za uposlenike gradskih organa uprave.
- (2) Nalog za službeno putovanje, kao i odobrenje za upotrebu vlastitog automobila u službene svrhe odobrava Gradonačelnik na pismeni prijedlog predsjedavajućeg Vijeća.

Član 5.

- (1) Pravo na dnevnicu i naknadu troškova noćenja u visini utvrđenoj u članu 4. pripada i članovima radnih tijela Vijeća, kada svoju dužnost kao članovi tih tijela obavljaju van područja Grada Zavidovići.
- (2) Nalog za službeno putovanje članovima radnih tijela Vijeća, kao i odobrenje za upotrebu vlastitog automobila u službene svrhe odobrava Gradonačelnik na pismeni prijedlog predsjedavajućeg Vijeća.

Član 6.

- (1) Vijećnicima pripada mjesečna naknada (paušal) u iznosu od 25% neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

- (2) Vijećnicima pripada i naknada za prisustvo i učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

Član 7.

- (1) Predsjedavajućem Vijeća pripada mjesečna naknada (paušal) u iznosu od 50% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, kao i naknada za učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, po održanoj sjednici.
- (2) Zamjeniku predsjedavajućeg Vijeća pripada mjesečna naknada (paušal) u iznosu od 30% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, kao i naknada za učešće u radu Vijeća u visini od 20% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje, po održanoj sjednici.

Član 8.

- (1) Članu radnog tijela Vijeća za rad i prisustvo sjednici, pripada naknada u visini od 5% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.
- (2) Predsjedniku radnog tijela Vijeća pripada naknada za rad i prisustvo sjednici u visini od 6% prosječne neto plaće ostvarene u Federaciji BiH u mjesecu novembru prethodne godine za godinu u kojoj se naknada isplaćuje.

Član 9.

- (1) Evidenciju prisustva vijećnika i članova radnih tijela, sjednicama Vijeću, odnosno sjednicama radnih tijela, vrši Stručna služba Gradskog vijeća.
- (2) Obračun i isplatu naknada vijećnicima i članovima radnih tijela, vrši Služba za upravu finansija, budžet i trezor na osnovu dostavljenih evidencija, najkasnije do svakog 15. narednog mjeseca za prethodni mjesec, zavisno od raspoloživih sredstava za ove namjene predviđene u Budžetu Grada Zavidovići.

Član 10.

- (1) Vijećniku ili članu radnih tijela Vijeća koji ne prisustvuje sjednici Vijeća, ili koji bez najave Predsjedavajućem Vijeća ili bez opravdanog razloga napusti sjednicu, neće biti uplaćena naknada za prisustvo sjednici koju je bez najave ili opravdanog razloga napustio.
- (2) Vijećniku iz stava (1) ovog člana, neće biti uplaćena naknada za prisustvo sjednici na osnovu pisanog zahtjeva Predsjedavajućeg Vijeća.

Član 11.

- (1) Stupanjem na snagu ove Odluke prestaje da važi Odluka o osnovima i načinu isplate naknada i drugih primanja Vijećnika i drugih radnih tijela Općinskog vijeća Zavidovići – prečišćeni tekst („Službeni glasnik Općine Zavidovići“, broj: 2/2014).
- (2) Pravo na naknadu vijećnicima i članovima radnih tijela Gradskog vijeća Zavidovići za prisustvo sjednicama vijeća i sjednicama radnih tijela Vijeća nastalo do stupanja na snagu ove Odluke, ostvarit će se primjenom odredaba Odluke o osnovima i načinu isplate naknada i drugih primanja vijećnika i drugih radnih tijela Općinskog vijeća Zavidovići - prečišćeni tekst („Službeni glasnik Općine Zavidovići“, broj: 2/2014).

Član 12.

Ova Odluku stupa na snagu prvog narednog dana od dana objave u „Službenom glasniku Grada Zavidovići“, a primjenjivat će se od 01.04.2023. godine.

**PREDSJEDAVAJUĆI
GRADSKOG VIJEĆA**

(M.P.)

Admir Fojnica, prof., s.r.